



Broj: 01, 02,03, 03/1-05-1-2914/18
Sarajevo, 12. 3. 2019. godine

**IZVJEŠTAJ S 13. PLENARNE SJEDNICE PARLAMENTARNE SKUPŠTINE
MEDITERANA
Beograd, 21. i 22. 2. 2019.**

U Beogradu je 21. i 22. februara održana 13. plenarna sjednica Parlamentarne skupštine Mediterana, na kojoj je, u ime Parlamentarne skupštine BiH, u estvovao Ognjen Tadić, zamjenik predsjedavajućeg Kolegija Doma naroda PSBiH i član Delegacije PSBiH u PAM-u.

Tokom zasjedanja, riječi je doma in bila Narodna skupština Republike Srbije, parlamentarci iz mediteranskih država Evrope, Afrike i s Bliskog istoka raspravljali su o izazovima koje donose migracije, klimatske promjene, kao i o nizu pitanja koja se odnose na saradnju država regiona s ciljem bolje ekonomske povezanosti i privrednog rasta i razvoja.

Pozdravljaju riječi u esnike 13. plenarnog zasjedanja PAM-a, potpredsjednik Narodne skupštine Republike Srbije Veroljub Arsić istaknuo je da PAM od svog osnivanja radi na osnaživanju dijaloga i da je, brojnim rezolucijama o najaktuelnijim temama, potvrdio status snažne organizacije koja se suočava s današnjim, savremenim izazovima.

Predsjednik PAM-a Pedro Roque ocijenio je u uvodnom govoru da postoji još mnogo problema na globalnom nivou koji čekaju rješenje, te posebno pohvalio činjenicu da je aktivnostima PAM-a ojačano partnerstvo koje se pokazuje kroz plodonosne rezultate, pogotovo na planu borbe protiv terorizma. Prisutnima se također obratio i Ivo Dačić, ministar vanjskih poslova Republike Srbije.

Generalni sekretar PAM-a Sergio Piazzi prisutnima je poručio poruku generalnog sekretara Ujedinjenih naroda Antonia Guterresa, koji je poručio da se mediteranski region suočava s mnoštvom problema, od terorizma do klimatskih promjena, te pozvao sve u esnike zasjedanja da budu solidarni i ujedinjeni u radu na njihovom rješavanju.

Tokom dvodnevnog zasjedanja, predstavnici PAM-a u estvovali su u konkretnim debatama i razmijenili mišljenja i iskustva o regionalnoj sigurnosti, političkom razvoju, terorizmu, ekonomiji, klimatskim promjenama, ljudskim pravima i migracijama. Jednoglasno su usvojili šest rezolucija predstavljenih na ove teme, a kojima se osigurava strateški okvir za aktivnosti Skupštine u nadolazećim mjesecima.

Rasprava o aktuelnoj temi koja se tiče terorističkih prijetnji i izazova koji predstavljaju vraćanje, odnosno premještanje stranih terorističkih boraca, identificirana je kao kritična na području za koje je potrebno koherentno i usklađeno zakonodavno djelovanje na regionalnom nivou. Poseban naglasak stavljen je na sprečavanje radikalizacije, te je dogovoreno da se

osnuje poseban Odbor PAM-a za terorizam, kojim će predsjedavati Italija, koji će također razmotriti delikatnu temu „mladi i prevencija“, a u tom segmentu će rad olakšati Francuska. Kada je riječ o ekonomiji, izražena je zabrinutost zbog znakova nove recesije, a tražila se aktivnija uloga EU, posebno za mala i srednja preduzeća, start-upove i strukovno osposobljavanje. Pohvaljeno je dinamično partnerstvo između PAM-a i WTO-a, te je dogovoreno uspostavljanje zajedničkog WTO / PAM euro-mediteranskog parlamentarnog foruma za olakšavanje trgovine i ulaganja, koji će imati koristi od godišnje konferencije WTO-a za podsticanje trgovine i ulaganja. Delegati su također pozdravili novo partnerstvo s OECD-om.

Što se tiče ljudskih prava, delegati su ponovili svoju obavezu da podstiču i garantiraju ljudsko dostojanstvo i prava u regiji.

U vezi s pitanjima migracije, u raspravi je naglašen globalni opseg fenomena uz podsjećanje na apsolutnu potrebu za vladavinom prava, podjelom tereta i pragmatičnim i koordiniranim pristupom koji se zasniva na zajedničkoj odgovornosti, također u svjetlu različitih izraženih senzibiliteta zemalja članica PAM-a u odnosu na Globalni sporazum o migracijama.

Među dobitnicima godišnje nagrade PAM-a su četiri osobe iz Izraela, Libana i Sirije te zajednica iz Italije, koja svojim primjerom djeluje u korist mira, stabilnosti i sigurnosti regije.

Zasjedanje je završeno jednoglasnim izborom novih predsjednika PAM-a, koji će tu dužnost obavljati u naredne dvije godine. U ovoj godini PAM-om će predsjedavati Alia Buran iz Jordana, a naredne godine tu dužnost preuzet će Kerim Dervis iz Egipta. Također je izabran i novi sastav Biroa PAM-a.

Izveštaj pripremila:

Tea Mandilovi
Sekretar Delegacije PSBiH u PAM-u

Izveštaj odobrio:

Ognjen Tadić
Član Delegacije PSBiH u PAM-u

Dostaviti:

- kolegijima oba doma PSBiH
- Komisiji za vanjske poslove PDPSBiH
- Komisiji za vanjsku i trgovinsku politiku, carine, saobraćaj i komunikacije Doma naroda PSBiH
- Kolegiju Sekretarijata
- Sektoru za međunarodne odnose i protokol
- Sektoru za odnose s javnošću
- a/a

